

5  
BARBARÆ HVBNERIÆ,  
Suavissimæ,

Virgineiq; pudoris ad exē-  
plum planè Castissimæ  
Puellæ,

Reverendi ac Doctissimi Viri,  
**JOHANNIS HUBNERI,**  
Archidiaconi Strelensis fidelis.  
FILIÆ,

quam

Mors Immatura

*Ex Vita hac conducticia  
ad perpetuam & cœlestem  
transtulit*

ANNO  
M. DC. XII

Die XXI Februarij.

MEMORIA

---

Dies mortis æternæ vitæ natalis est.





SI benè nos homines illo-cum  
actum esse putamus,  
qui cum terrestri vivere rege  
potest.  
Iam fruitur longè meliori vestra,  
Ioannes,  
Gnata statu, in coelis cum Duce  
semper ovans!  
Nūc pro tristitia plausus, pro mor-  
te perennem  
Vitā, proq; malis optima quæ-  
que tenet.

Georgius Henricus Liber Baro  
à Wirben, & Freudenthal  
in Leypnick.



Βραχυβίος

**V**ita quid est hominum? series nisi densa malorū,  
Lernaq; terrificis undiq; cincta malis.  
Vita fugax hominum, somnoq; simillima, transit  
Mortalis cursus more fluentis aquæ.  
Quàm citò secta cadunt viridantis gramina campi,  
Tam citò, vix primum cognita, vita fugit.  
Non secus auricomo rosa quæ florescit in horto,  
Vespere marcescens adveniente cadit.  
Palmæ instar spacium patet hujus temporis ætas,  
Et veluti nullo quæ manet umbra loco.  
Garrula vivendo tot complet tempora cornix  
Annorumq; aliquot secula cervus habet.  
Humanæ brevis est vitæ concessio, punctum est  
Temporis exigui, quàm breve vita bonum.  
Exemplar nobis esto dulcissima neptis  
Virgo, carens omni, BARBARA, barbarie  
Vix tria lustra tibi, cita Mors cùm falce metit te,  
Debita naturæ sic numeranda tuæ.  
Vita tibi melior cœlesti in sede reposta est,  
Salvatore ipso quam præeunte capis.

A 2

Dic



Dic mihi, num mavis Mundi traducere vitam?  
Libera an ærumnis vivere in arce poli?

M. Nathanaël Tifessius P. L. C.  
Ecclesiarum Liberi Baronatus Militensis  
Pastor & Superintendens.

Παραμύθιον

**F**alce sua ut messor detondet gramina pratis  
Nec florum suavi flectitur intuitu  
Procurvâ sic falce ferox mors demetit omnes  
Quoscunq; ex Adæ semine gestat humus.  
Haud tamen aeternum flores & gramina marcent,  
Perpetuò haud fisis prata carentq; comis:  
Ver redit, & rutilo surgit Sol aureus igne,  
Ceruleusq; rudes irrigat imber agros  
Graminibus letis hinc rursus prata virescant,  
Vestitur tellus floribus atq; novis.  
Sic non aeternum nobis dominabitur, aut his  
Quos tulimus Christo, floribus, atra dies:  
Ver instat, quò nos necis ex marcore solutos  
Flore & odore novo Christus ab axe beet.  
Quàm benè fragrabunt sanctorum corpora tùm, cùm  
Peccati & mortis fetor abactus erit  
Quàm tùm gaudebunt electorumq; cohortes:  
Mors his cum fuerit non metuenda magis  
Nemo ibi deformis, nemo eger & algidus: Omnis  
Flore virore sacro, leticiâq; cluet.  
Demessa ergò cadat licet hic tua filia, dira  
BARBARA falce necis, membraq; claudat humus  
Non desponde animum: roseo fragrore resurget,  
Viveth in aternâ luce, choroq; poli.

Filic



*Flic reddetur tibi, restituetur & alma  
Matri ceu perolens flosculus ante DEUM  
Sic ergo vestrum cordis miscete dolorem  
Spe vita alterius, mutui & intuitus.  
Tu vita Dux CHRISTE, tui miserate popelli  
Ex morte in vitam nos trahere, queso, tuam.*

*Johannes Neomenius. Illust. aule  
Brigensi à sacris Concionibus  
an 10 Medias.*

---

*Q*uid ni condoleam, dilecte Adfinis, agoni,  
Cui tua te immersit Filia morte sua.  
BARBARA Virgineas inter speciosa cohortes,  
Quas gremio retinet STRELA decora suo.  
Hei lucta hæc! si quæ miserorum lucta Parentum,  
Cumq; DEO atq; animo quæ fit acerba suo.  
Cit DEVS; at nescit dare se mens agra cienti;  
Sed contra adfectu pugnat anhela suo.  
Expertus loquor ipse mei tentamina cordis,  
Mors ubi CASPARULUM posceret atra meum.  
Me miserum! quos non repetebam pectore questus!  
Quæ non fundebam vota precesq; DEO.  
At vicit FOVÆ tamen immutata voluntas:  
Frrita vota fero; Filius umbra cadit.  
Lucta tibi similis cordis penetralia fregit;  
Et nunc est luctus causa propinqua tui.  
Filia decessit jam plenis nubilis annis;  
Iam generis fructus apta datura sui.  
Frigidus heu Sponsus calidæ mors juncta juventa!  
Hoc Genero, nullus pignore gaudet Avus.  
Circuit hæc teneros rigidis amplexibus artus,  
Et gelido roseas terruit ore genas.  
Heu miserum mortale genus! discrimine nullo  
Lethæas sentit, nullo inhibente, manus.

*Exori-*



*Exorimur ; morimur : mors vitæ ab origine pendet :  
Natura hoc vitio, tristis homulle, tuo.  
Ut mors seua tamen nos impetat ordine nullo,  
Et trahat audaci sub sua jura manu :  
Non tamen abripimur penitus, totiq; perimus :  
Pars melior nostri libera morte viget.  
Jungentur dia jam mortua corpora menti ;  
Et vitâ in celo perpetuante cluent.  
Reddentur nobis, quos jam periisse dolemus,  
Acturi æternos celite in arce dies.  
Illuc seruemus nunc anxia corda dolore,  
Nullus ubi dolor est, nullus amaror ubi.  
Vivunt cum superis animo-tenus æthere summo  
CASPARULUSQ; meus, BARBARA & ista tua.  
Cespite sub tenui corpuscula lapsa quiescunt,  
Ad magnum summi Iudicis usq; diem.  
Prædeceserunt; brevis hora; sequemur ovantes,  
Participes summi, quod super astra, Boni.  
Hoc unum spectare decet; decet expetere unum hoc,  
Quo-se-cunq; habeant cetera fluxa modo.  
Ergo anima ô valeant iterumq;, iterumq; beata!  
Quas mors à nostris abstulit atra fœcis.  
Nos sortes animos nostros firmemus in omnes,  
Spe breve solantes non dubitante malum.  
Cunctorum prope finis abest & meta malorum;  
Æterniq; prope est ortus & aura boni.*

Condolentis luctus ergo  
l. v. q; f.

CASPAR CVNRADVS  
Phil. & Med. D. Breslæ.

Quum



Q Vùm summos venti emittunt summo impete flatûs ;  
Sidunt, & vires deposuisse solent :  
Sic homo, qvum spirat, qvum sperat maxima, sæpe  
Occidit, atq; ipsum Mors inopina rapit.  
Vidi ego, qui summum sibi venabatur honorem ;  
Et vidi adcepto, in crastinum, honore mori.  
Qvot, quando cupière opibus ditescere magnis,  
His auctis, Lethi mox obiêre diem ?  
Qvot, quando magnas tentarunt exstruere ædes  
His structis, Lethi mox obiêre diem ?  
Sic etiam in viridi multos ætate videmus  
Spem præter, subitò Lethi obiisse diem.  
Exemplo est nobis Tua filia, Mysta verende,  
Qvam flore in tenero Mors inopina rapit.  
Et quam nunc lugens meritò ; dum filia casti  
Oris & illa fuit, moris & illa fuit ;  
Expertus credo, qvantis dolor ille sit, heu ! qvùm  
Desubitò nobis pignora Morta necat.  
Iste tamen luctus moderatior esto ! fit illis  
Perbene, qveis subitò Fata subire datur,  
Effugiunt illi, quas fortè subibimus ipsi  
Nos, in vitæ ista conditione, vices.  
Religio nutat puta pura, atq; undiq; gliscunt  
Hæreticæ vulpes, hæreticiq; Lupi.  
Nulla fides fermè est, candor refrixit, honestas  
Illa vetus nimium dilacerata jacet.  
Quid multis ? melius certè est placidaq; piaq;  
Morte ad cælestes hinc abiisse choros :  
Qvam nunc in tanto rerum discrimine, tanto  
Turbine, mundanas usq; videre vices.

Hoc



Hoc mecum reputas, Hübner, leuasq; dolorem  
Quem capis è Gnatae morte obituq; Tuæ.

M. Ioh. Güntherus SiL. Gr.  
Lingvæ in Bregéo Profels.

Omnia fors versat. Mors omnia merfat. At isthæc  
optima, si cita, mors, corpora claudat humo:  
Sufficit hoc, atq; hos demum benè vivere dico,  
quos mors præveniens non finit esse senes.  
Hoc certum credas, nec fors tamen omnia versat,  
Invideat si cûi fors sua fors, sua Mors.  
Est Deus in coelis moderator & arbiter orbis  
Providus, hæc æquo temperat arbitrio.  
Sic HUBNERE tibi natam quam Morta videtur  
eripere, eripuit non fera Morta tibi  
Sed Deus in coelis; quod vult Deus efficit, & quod  
efficit omnibonus, nonne & id omne bonum est!  
Non semper vixisse diu laudabile, qui Te  
Nôrit Christe, satis vixerit ille diu.  
Hoc scio, quod vix tot viuam, quot, lustra, peregi,  
Si tamen his vivam plura quid hoc! moriar.  
Tu modò CHRISTE mihi dones post fata salutem,  
Nil moror illecebras sordide munde tuas.

F.

Bartholomæus Nigrinus  
Senior, & Pastor  
Banconanus.

Hem



Em jam grandis erat, plenis jam nubilis annis,  
Iam poterat natis exhilarare Virum.

Quò mihi tot sumtus, exantlatiq; labores?

Heu mihi jam fructus cernere tempus erat.

Talia tu forsan tristi cum coniuge, mortem,

Dum lugens gnatae, volvis, amice, tua.

Desine, sat lacrymis jam sat, nataeque; dedistis,

Credentum luctus conuenit esse modum.

Est equidem, est aliquid, generos, carosque; nepotes

Cernere, non cuiuis hoc Hübenerere datur.

Est, inquam, est aliquid, sed res quoque; plena pericli,

Fæmina si nubat, seu malè, sive benè.

Nam quoties partui vicina est filia, matri

Solliciti toties causa, patrique; metus.

Mortua nata semel, non iam mors amplius ulla

Nec metuenda illi, nec metuenda tibi.

Mortua nata, inquam, verè sed vivere demum

Incipit, estque; illi mors sua dulce lucrum.

Scis hoc, hæc alijs dicis solatia, luctum

Hæc eadem uxori iam, minuantque; tibi.

M. Bartholomæus Stofchius.

---

TE quoque; , Christianæ fidei fidissima amatrix,  
Quæ nulli didicit parcere Morta rapit!

B

O in-



O inconstantem vitam, quæ, cum incipit esse,  
Spe nostrâ citius definit esse etiam!  
Sed benè. Mors vitam, Mortem rapit altera vita,  
Morta malæ vitæ est finis, origo bonæ.  
Salueto ad superas ædes, sedesq; recepta,  
Aspiciens vultu candidiore DEUM.

Bartholomæus Schvvetke  
Olsnensis Silesius.

**Q**uas lacrimas, HUBNERE, tuis lacrumatibus addam?  
quos numeros lacrumis? quas lacrimas numeris?  
Heu mihi & ô lacruma! quibus eheu fletibus isthac  
fata fleam miser ah. ah dolor, ah lacruma!  
Nescio! vos gemitus suspiratosq; dolores  
Vos volo vos fletus, vos volo, vos lacrimas!  
Vos volo: nam lacrimas natura postulat ordo,  
cum lacrumis numeros, cum numeris lacrimas!  
Sint comes & meror, dolor, & tremor, horror & angor,  
ut fleam, & hos oculos effleam, & hoc cerebrum.  
Fibra humana mihi est; humanum credo dolores  
Si cui clausa cient funera sandapilis.  
Vos conclamatos & luctiferos ululatus  
Vos volo! sat cause est cur doleam! lacrymer.  
Heu dolor! hei lacruma! denata est nata parentis,  
HUBNERI, ingenui, præcipuiq; viri  
BARBARA, barbaries, à qua procul absuit omnis  
Occidit hei! eheu! vah dolor et lacruma!  
Occidit! heu! eheu plenis jam nubilis annis  
Faminei cecidit lumen honosq; chori!  
O dolor! o lacruma tenero sub flore iuventa  
flos ceu mane virens sole cadente cadens

Occidit!



Occidit! heu florem mors demetit! & subito omnis  
vana parentum spes annihilata perit!  
O fluxas hominum res! & statim tempora lethi,  
quæ Nemo in terris præterisse potest.  
O dura, unde Tibi tanta, Ilithyia, potestas  
cur vitæ fors tam luctificabilis est?  
O sortem duram mortalium! adire licet si his  
voto aulam parcarum; haut redeunt hilares!  
Hæ nihil adiiciunt penso, nil illa diei  
quem semel instituit temporis addere vult.  
O vitam invitam! vitrum leve & ipse homo mortis  
Servus; pallidulum floris homo folium:  
Vivimus, at vita est series immensa dolorum,  
Sat hæc dura homini, conspicimus si hominem.  
Si vita est, crede est via, sed salebrosa & acutis  
Hinc atq; hinc horrens sentibus ac tribulis.  
Quid longa est! nisi longa mali patientia longa  
Sortis amarities cum ac gemitu & lacrumis  
Hic labor, hic curæ tristes & ubiq; querela!  
It vitæ iuncto mors comes atra pede.  
O miserum mortale genus lacrymabile semper  
ac fletu pariter dignior & lacrumis!  
Quæris tam omnigenæ promanent unde misellis  
clades! tot fletus cum gemitu ac lacruma!  
Heu! scelus infandum primævi culpa parentis  
omnes nos Fati subdidit imperio.  
Hinc dolor, hinc lacruma sunt omnis & ansa malorum est,  
pro quo nulli non pœna luenda homini est:  
Hinc mors cunctivorans vires acquirit eundo,  
Hinc nata tristes itis ad Exequias  
Ah Fatum! Fatum lacrymabile & ô miserandum,  
ô deplorandos fletibus Orbicolas!



Ast procul ô lacrima secedite, & ite dolores,  
nil his proficimus, his nihil efficimus.  
Nam lacrumis ea fors est inconcessa; dolore  
vitam defunctis ut revocare queant.  
Vos anima aspectu Christi, cœloq; potitæ  
Ilicet humanum spernitis obsequium.  
Quin & ego incassum dum planctibus æthera pulsans  
prosequor exuvias, BARBARA chara, tuas.  
Frustra etenim reducem hic Te degere posse vovemus,  
addo, quod haud velles, optiosi qua foret.  
Parce proin luctis pater ô, materq;, beatam  
nec lacrumis querulis filiolum adficite.  
Desine ô exuvias, quicumq; es, flere; perennis  
Lex est. Qui cinis es verteris in cinerem.  
Lex est, sed bona lex mortis, nam morte solutam  
mox animam hospitio suscipit Elysium.  
Hæc, Tibi, lucra necis peperit properatio, Virgo  
BARBARA, Dilecti sponsula facta Dei!  
Mutasti terrena bonis caelestibus! ô quàm  
sunt hæc Terrenis anteferenda bonis!  
Hic paucos lato vixisti pectore soles,  
sed fermè assiduè sollicitudinibus.  
Sæpè Tibi graviter tracti cruciatibus artus,  
atq; imposta Tuis crux mala sæpè humeris.  
Verè vita Tibi hæc fuerat mors, mortua Vita,  
Vivere non etenim vita, valere sed est.  
Nunc Te nulla premit sortis vis, nullaq; mortis  
Lis, sed letifero gaudia corde refers!  
O Te felicem! nimis ô mutatio felix!  
quâ tantas fecit vita minuta vices!  
O miserum! hoc misero qui vitam ducere seculo  
cogitur, in quo sunt omnia plena malis.

Sperant



*Sperant, dum spirant, homines semper meliora,  
optima sed pereunt, pessima quæq; aderunt.  
Debilis en mundus titubat, casumq; minatur  
ancipiti cursu, dum supera infera eunt.  
Ventum est ad summum; finis certè advolat orbis,  
cuncta Elementa crepant, ac supera infera habent.  
Felices, mundo quos raptat funeris hora,  
hinc citò ad astra poli, cura ubi nulla soli.  
CHRISTE veni! ambrosiâ hanc & nectare pasce redemptamet  
Sanctam animam, inq; solo qui sumus, adde polo.*

Inter gemitus & lacrymas  
deducebat

defunctæ consobrinus

Balthasar Nigrinus B. p. t. Generosi  
Domini Georgij Heinrici à V Vir-  
ben & Freudenthal in literis &  
moribus Præfectus.

---

**N**on facilè in tristes aptant se carmina luctus,  
fana nec ad cineres Musa animosa venit.  
Torpet, & ingrato se nomine Musa profanat,  
ultima moerenti si pede busta locet.  
Tam dolor in causâ est! nec & indoluisse pudori est,  
cum ruit in cineres virgo novella suos.  
Sic mala sunt nimiùm, properataq; Fata puellis,  
non etiam vitent mortis ut insidias.  
Iam matura viro hæc fuerat, cùm funere **MORTEM**  
invenit infelix rapta puella **PROCVM**.  
Hoc magis at felix, quod, Fati ea gratia, **MORTEM**  
non tamen invenit funere rapta **VIRVM**.

B 3

Non



Non matura proco, non hæc matura marito est,  
non etiam morti virgo rapina venit.  
Est matura DEO, solùmq; hoc funere felix,  
juncta suo vivat virgo quod ista DEO-  
„ Funere viva suo valet hæc: nescit quoq; , juncta est.  
si qua DEO moriens innuba Virgo, mori.

*f. Petrus Polenius Nifs. SiL.*

---

**Q**uin, HVBNERE, doles, sandapilâ tibi  
Tristi terribilis quam tulit Atropos,  
Dirâ Morte necatam,  
Plenam tempore nubili  
Natam! spes equidem magna parentium  
Ævi delictum, cordolio queant  
Lucis quâ sine magno  
Auras pignora linquere?  
Atqui sacra sacri pagina Codicis,  
Respirasse tuam jamq; per æthera  
Dicens ima videre  
Quævis, mille vetat modis,  
Ut mortem mulier prima miserrimam  
Decepta intulerit Dæmonis astibus,  
Quæ mortalibus indè  
Cunctis æthereos neget  
Haustus; restitui singula singulis  
Tandem læticiâ corruerint ubi  
Vasti moenia mundi  
Illinc historias manet,  
Quid fles? clausa semel Fata tuo datur  
Non voto aut lachrymis dêinde recludere,  
Sed concessa quietis  
Concedas, genitor, loca

Defun.



Defunctæ. Veluti Verba Dei sciens  
AEquè conspicitur Pierio agmine  
Haut quisquam potis apto  
Solari *similes* seno:

Sic tu quæso modum pone, *dolor viri*  
*Ne flagrantior equo fiet optimi*  
*Ne vel vulnere major,*  
Luctus jam semel anxii.

Aliter.

**N**ubere debebat; nam G N A T A E nubilis ætas:  
An mundo? an Christo? selige. Christus erit.  
Sponsus at à reliquis diversus: gaudia quidni  
Sint diversa ab eis qualia mundus habet?  
Sed bene! conjugium diversum est, ritè beatum!  
Luctum diversâ desine mente, parens.

*Abraham Kirstenius*  
*S Theol. studiosus.*

---

**Q**vis desiderio sit modus aut quies  
Tam caræ subolis! tundite pectora  
Palmis Frontigenæ, seu juga montium,  
Seu vos flumina nunc habent.

Ergò Persephone dissecuit comas  
Nymphæ, cui Pietas eximia, & Pudor,  
Quâq; ipsum coluit, Relligio, Deum,  
Quando unam invenient parem!

Multorum illa quidem gaudia non finit  
Ire; at flebilior quàm reliquis tibi  
Hübnerè, occidit, heu! non lacrumis calor  
Dilapsus revocabitur.

**Q**uod



Quòd si trunca super funere carmina  
Ad noctem à Paphio sidere concinas,  
Natae non redeat sangvis amabili  
    Quam mortis semel horridæ  
Mandârunt tumulo spicula: sed tamen  
Hoc tristem nimum, sollicito levet  
Luctu, quòd superis juncta cohortibus  
    Mens divina canit mele.

A D T V M V L V M.

**Q**Væ Paphiam formâ vicit, pietate Rebeccam  
Hübnero hoc tegitur nata puella solo:  
Gratiæ ab Orchomeno, miserum deducite lessum,  
    Debit hæc vestri quarta fuisse chori

Condolentiæ causâ

*Facieb.*

*Michaël Kirstenius.*

---

Alloqvitur moestos defuncta Virago Parentes.

**A**Nne ideò lacrumis miscetis dicta Parentes,  
    Quod me Morta suo iam rapit hincce sinu?  
Annè ideò tristi turbantur viscera motu,  
    Quod Rhadamantéos ante diem ivi ad agros?  
Vita quid est? dolor, exsilium, tristisque querela  
    Perpetuus labor est; tristitiæque mare.  
Quocunque adspicio, nil est nisi lerna malorum  
    Pessima, vah fraudes! undiqve nulla fides.

*Spera.*



Speramus meliora, sed heu! peiora sequuntur,  
In promptu causa est, fit quia peior homo.  
Quare experta simul vitæ mala claustra relinquo.  
Et me participem culmine malo poli.  
Quid tandem fletus? succedant gaudia, me non  
Corripuit LACHESIS tetrica, sed rapuit;  
Nec mentem rapuit: tenerum sed corpus in urnâ hâc  
Quod cubat, æterni mens videt ora DEI.  
Fors etiam illa propinqua dies, quâ corpora reddet  
Magna Parens, gremio quæ fovet alma suo.

*Mæstitudinis calamo & amoris sincerij  
stimulo fb. Strele. si L. Agnatus.*

*Johannes Francisci SS.  
Theol. Studicus.*

---

**N**on est, crede mihi, sapientis dicere vivam,  
mors medijs latet hæc abdita visceribus.  
Nimirum hæc fors est nostræ incertissima vitæ  
ut nec opinantes invida nos rapiat.  
Sic abit ante diem tua BARBARA nomine, non re  
HYBNERE, ast abitum hunc esse putas obitum.  
Non etenim illa obijt, credas abiisse præisse  
Sunt obitus abitus, dum nova vita beat.

*Pietatis testandæ caus.  
scrib:*

*Bartholomæus Nigrinus Junior.  
B. defunctæ consobrinus.*

**C**

**Cur**





**C**ur adeò mœstis corrumpitis ora qverellis?  
Quis dolor adsiduè pectora vestra gravat?  
Irato Lachefin cur ore lacefsitis atram?  
Num rapidâ vobis abstulit illa manu  
Quòd caram Natam, forma & pietate nitentem!  
Delicias vobis quæ dare debuerat.  
Non ideo tanto decet indulgere labori:  
Nulla etenim vobis causa doloris adest,  
Lætos quin potiùs vultus diffundite, Nata  
Sit quòd rapta solo, sitq; locata polo.  
Nunc ubi perpetuæ sentiscit gaudia vitæ,  
Adspectu æterni gaudet & ipsa Dei.  
Mox erit ille dies, quo Ihôva dante vicissim  
Iunget disjunctos nos nova vita polo.

Ionathanis Tylesii

---

**Q**uid precor indigno juvat indulgere dolori,  
Quid juvat indomito pectore fata queri?  
An juvat hîc gemitus? si quam semel atria cœli  
Suscipiunt, luteas non redit illa domos.  
An juvat hîc fletus? vitæ quæcunq; labores  
Finiit, exactum non remeabit iter,  
Nil dolor & gemitus, fletus nil efficit ingens,  
Filia sidereâ sede quieta sedet.

Parcite





Parcite tristitiæ, indignum vos ponite luctum,  
Dissociata solo sunt socianda polo.

debitæ observantiæ ergò instituta

â

Christiano Tilcsio.

Vita quid? exiliū. quid coelum? patria. Mors quid?  
Semita credenti. quis neget ergo mori?

Æhrenfried Tilecius.

TROCHAICVM CATALECTVM.

Hæc quid est caduca vita? cedimus vitâ è brevi,  
Vivimus dum tempora

Ista vitæ ac munera.

Et benè hîc cùm fata claudimus novissima, altera

Tùm inchoamus tempora

Lucis, atq; gaudia.

Mira sors est omnium rerum! nequisse vivere

Singulos, nisi prius

Desinant hîc vivere!

Vita certè humana non est vita! sed doloribus

Plena sentina est ea!

Vt caduca bullula!

Sicut agri flos, velut rosæ, nitent quæ manè, post

Vesperis langvent, & est

Moeror, error plurimus.

C 2

Subse-

cite





Subsequens verò altera æviterna erit, nec ulla mors.

Tetra ibi, nullus dolor!

Gaudium est, vita ac amor.

Ergó BARBARÆ, parentes, ne nimis vos funera

Flete, quin magis benè

Ferte fata tetrica!

Functa vitâ est hac enim, nunc vivit in cælis, ovat,

Gaudio utitur, suum,

Aspicit summum DEUM.

---

DISTICHON

diem & annum

defunctæ continens.

*FebrVlerat LVXbls DenaVna, Vt BARBARA Morte  
Virgo rapta fVlt! na redVVVa Venlt.*

MartInVs| KnobeLLsDorffVs.  
Reichb:Sil;

---

**O**mnis homo est veluti rosa, quæ silvescit in agro  
Pingvi, ac exiguo victa calore jacet:

Et nihil est aliud vita hæc nisi pulvis in horto,

Quem ventus subitò saxa per alta trahit,

Exhibet exemplum cujus formosa puella,

Astrorum quam nunc vis rapuit teneram:

In quâ vnâ stabat chari præclara parentis

Cura: gravis curæ hæc dulce levamen erat:


Ac



Ac etiam firmum solamen Barbara matris  
Hæc semper, nec non cordis asylon, erat.  
O dolor: ô lacrumæ: ô Parcæ non parcere vultis:  
Quis furor immitis pectora vestra subit?  
E saxi natas, nutritas lacte ferino  
Vos puto, vos placidum pectus habere nego.  
Tristia vix dederant te, ô chara puellula, fata;  
Invida te rursus Cynthia surripuit.  
Heu cecidit, cecidit virgo charissima matri,  
Secula quæ digna hîc vivere longa fuit.  
Blandula virgo, tenellula virgo, venustula virgo:  
Non peritura cadit, sed reditura cadit.  
Ergò pater tristis, cui jam pars maxima cordis  
Sumitur, & terræ fertur ad ora Tibi:  
Ad te Musa venit tristis mea, pallido & ore,  
Vestibus & nigris, flebilibusq; oculis;  
Et rogat, vt sistas lacrumas: quoniam orbis in oris,  
Mors, non mors, vitæ est, at melioris iter.  
Tristitiæ esto modus: voluit sic Trina potestas:  
Post funus lacrumæ nil, gemitusq; juvant.  
Non obiit: sed tantùm abiit, cœlestibus oris  
Nunc fruitur, læta & vivit amore Dei.

Honoris ergò adposuit  
Casparus Crusius  
Fridebergà Silesius.





**Q**Væ sibi longævos forsân speraverat annos,  
Hanc manibus rapidis, mors truculenta, rapis.  
Tu fore perpetua abreptæ monumenta putas ne?  
Eripiet rapidis, Mors tua, de manibus.  
Frustra igitur manibus rapidis tibi rapta puella est  
Mancupium illa DEi, non tibi rapta datur.

*scrib.*

*Caspar Wolffgrüber.  
Hirsberg.*

---

**S**Ole meante velut viridi flos floret in agro,  
Et moriens pariter sole cadente cadit:  
**B A R B A R A** sic florens **H V B N E R I** gnata politi  
Heu præmaturâ morte necata cadit;  
Morte necata cadit; cœlestis gaudia verò  
Terrestri vitæ morte necata capit;  
Morte necata capit longævæ tempora vitæ,  
Est ubi summa quies, gaudia risus, amor.

*fecit*

*Johannes Drümell  
è Boleslâ, Silesius.*

---

**B R E G Æ**  
Typis Casparis Sigfridi.



1010

iber.









Elenchus contentorum.

Bismarckii vita et res gesta theologorum orthodoxorum recens.

MUSNERI Fides Jobi.

concilium oecumenicum octavianum.

ULB Halle

003 509 435



3


5le

VJ 17









BARBARÆ HVBNERIÆ,  
 Suavissimæ,  
 Virgineiq; pudoris ad exē-  
 plum planè Castissimæ  
 Puellæ,  
 Reverendi ac Doctissimi Viri,  
**JOHANNIS HUBNERI,**  
 Archidiaconi Strelensis fidelis.  
 FILIÆ,  
 quam  
 Mors Immatura  
 Ex Vita hac conducticia  
 ad perpetuam & cœlestem  
 transtulit  
 ANNO  
 M. DC. XII  
 Die XXI Februarij.  
 MEMORIA  
 Dies mortis æternæ vitæ natalis est.

5

Au-  
thor

